

Vuk'uzenzele

Produced by: Government Communication & Information System (GCIS)

English/Sesotho

Mmesa 2021 Kgatiso 2

	<p>NPA tackling GBVF</p> <p>Page 6</p>	 <p>PROTECT SOUTH AFRICA</p> <p>TOGETHER WE CAN BEAT CORONAVIRUS</p>		<p>New fund to assist black farmers</p> <p>Page 11</p>
---	---	--	---	---

Vaccination programme rolls on



President Cyril Ramaphosa with Simphiwe Ntombela, who is the Production Manager at the Aspen Pharmacare sterile manufacturing facility in the Eastern Cape.

been identified across the country.

“These include general practitioners’ rooms, community clinics and pharmacies, retail outlets and in some instances, larger facilities like stadiums and conference centres,” he said.

Electronic Vaccination Data System

Government has established an Electronic Vaccination Data System to manage the vaccine rollout and direct people towards vaccination sites closest to where they live.

“This system will allow you to register, receive an appointment date and site, and receive a digital certificate or a hard copy confirming your vaccination status once vaccinated.

“Everyone that will be vaccinated will have to be registered on the system first, and you will be invited to register once you become eligible,” the President said.

Government will work with provincial and district structures and community-based organisations to register those citizens who do not have access to technology.

“We are developing mechanisms to identify and register

South Africa’s Coronavirus Disease (COVID-19) vaccination programme is making good progress, with the second phase expected to start soon.




During a recent address to the nation, President Cyril Ramaphosa said Phase 2 of the programme is scheduled to start in mid-May, with registration expected to take place in April.

“Under Phase 2, we hope to vaccinate more of our people over six months,” said the President.

In line with international best practice, in Phase 2 government will prioritise those at the highest risk of hospitalisation and death, such as people over 60 and people living with comorbidities.

“To ensure that we have supporting infrastructure over 2 000 vaccination sites have

Cont. page 2

	<p>To read Vuk'uzenzele download the GOVAPP on:</p> <p> </p> <p>Search for SA Government on Google playstore or appstore</p>	<p>CONTACT US</p> <p>Website: www.gcis.gov.za Email: vukuzenzele@gcis.gov.za</p> <p>www.vukuzenzele.gov.za Tel: (+27) 12 473 0353</p> <p>Tshedimosetso House: 1035 cnr Frances Baard and Festival streets, Hatfield, Pretoria, 0083</p>
---	--	--

FREE COPY NOT FOR SALE



"JWALE KE NAKO YA HORE BOHLE RE SEBETSENG MMOHO, TLOTLONG YA NELSON MANDELA, HO AHA AFORIKA BORWA E NTJHA, E BETERE BAKENG SA BOHLE."

MOPRESIDENTE CYRIL RAMAPHOSA

#SendMe

RE O AHELA BOKAMOSO BO BETERE
RE ITHUTA HO TSWA HO MADIBA



Badudi ba ditumelo tse fapaneng ba bohlokwa ntweng e kgahlanong le COVID-19

Moraorao tjena maAfrika Borwa a mangata a ipapisitse le ba bang ho phatlalla le lefatshe diketsahalong tsa bohlokwa tsa bodumedi. Ditho tsa bodumedi ba Sejuda haufinyane tjena di sa tswa keteka Paseka, Bakreste ba ketekile Labohlano le Halalelang ha Mamoselemo haufinyane a tla keteka kgwedi e halalelang ya Ramadan.

Jwale re se re le selemong sa bobedi bobedi, diketsahalo tsena di ketekwa hara sewa sena se thefutseng lefatshe se qositseng maphelo a batho ba fetang dimilione tse pedi le halofo ho phatlalla le lefatshe.

Mekgatlo ya ditumelo tse fapaneng esale e le bohlokwa ho karabelo ya rona lefung lena, e ne e sa fane feela ka matshediso a semoya le taitaiso, empa e ne e boitse e hlokomela ba neng ba amehile haholo ke ditlamorao tsa sewa, ho kenyeletswa phano ya dijo, bodulo le ditshebetsetso tse ding tsa kahisano.

Bodumedi bo bapala karolo ya bohlokwa maphelong a dimilione tsa maAfrika Borwa, le ho kenela tshebetsetso e le phutheho ke ka karolo ya bohlokwa ya ditlwaelo tsa bona tsa bodumedi.

Ho kgona ho bokana bakeng sa ditshebetsetso tsa bodumedi kamora ho tswa nakong ya mathata a maholo, e boitse e ba kgefu bakeng sa batho ka bo mong, malapa le badudi.

Ho a utlwahala hore kamora nako e fetang selemo ya ho sotleha tlasa dithibelo



tsa dipokano tsa bodumedi, badumedi ba tjhesehela ho kgutlela maemong a setlwaeding.

Ka kananelo ya bohlokwa ba ho kena tshebetsetso e le phutheho maphelong a batho ba bo rona, mmuso esale o buisana le badumedi.

Baetapele ba badumedi ba utlwisisa le ho ananela kotsi ya sebele ya ditshwaetso tsa leqhubu le le letjha la COVID-19. Esale sewa sena se ropoha, mekgatlo ya bodumedi e nkile mehato ya phadimeho le e hlwahlwa ya ho fokotsa ho nama ha lefu lena hara barapedi.

Ntlha e nngwe ya bohlokwa ke hore nakong ya mehato ya tlhokomediso e fapafapaneng, mekgatlo ya bodumedi e bile le ditahlehelo tse kgolo tsa ditjhelete tse tshosetsang boemo ba yona ba ho itekanela.

Jwaloka mmuso re dula re itlamme ho sebetsa le

badumedi bakeng sa ho thola ditharollo tse tla ba tswelang molemo.

Re sa le hona moo, boitekanelo le polokeho ya setjhaba di lokela ho ba ka sehlohlong.

Badumedi ba bontshitse ntjhafatso le boikitlaetso mabapi le ho tshwara ditshebetsetso ha ho ne ho na le qeaqeo e kgolo mabapi le boemo ba sewa sena.

Ditshebetsetso tsa diphutheho di ne di tshwarwa ka marangrang a inthanete mme barapedi ba ne ba kgothaletswa ho rapella malapeng ho e na le ho ya ditshebetsetso. Sena se thusitse haholo mekutung ya naha ya ho ngotla ho nama ha lefu lena.

Baetapele ba bodumedi ba bapetse karolo ya bohlokwa mabapi le ho kgothaletsa setjhaba ho ikobela mehato ya bophelo bo botle mabapi le ditlwaelo tsa meetlo le tsa

botjhaba tse akgang mapato.

Ka tsela e tshwanang, batho ba bo rona ba bontshitse boitlamo ba ho ikobela melawana ya boitekanelo ba setjhaba le ho sielana sebaka.

Mme ruri ba ananela hore ba lokela ho tswella ho phema dipokano tse kgolo.

Hajwale re nakong moo re hlokgang ho itlhokomela.

Kokwanahloko ya sewa sa Corona ha e so fediswe, naheng ya bo rona kapa lefatsheng ho pota. Ketsahalo ya hore re be le leqhubu la boraro e teng mme e tla dula e le teng.

Boiphihlelo ba matjhabeng bo re rutila hore re seke ra leka Modimo tumelo. Dinaha tse ngata di nyehlisitse dithibelo, kanthe ke feela moo ho bileng le ho ropoha botjha, ho ileng ha baka dithibelo tse matla le ho feta.

Dipokano tse nang le batho ba bangata, e ka ba e le tsa

bodumedi kapa tse ding, di na le bokgoni ba ho atisa kokwanahloko ena, ho sa natswe tshebediso ya ditsela tse amanang le ho sielana sebaka le ho hlapa matsoho ka sebolaya-dikokwanahloko.

Dimilione tsa maAfrika Borwa esale di kenela diketsahalo tsa bohlokwa tsa tumelo ya bona. Naheng ena e amohelang tokelo ya bolokolohi ba bodumedi, ho lokelwa ho etswa mekutu yohle ya ho tshhehisa batho ba bo rona ha ba sebedisa tokelo ena. Mme ha re sebedisa tokelo ena, re lokela ho etsa bonnete ba hore ha re behe ditokelo le maphelo a ba bang kotsing.

Ena ke pehelo eo baetapele ba bodumedi bao ke kopaneng le bona ba e tshhehetsang le ho e ananela. Ba utlwisisa boikarabelo ba batho bohle ba ditumelo – hantlentle ba maAfrika Borwa kaofela – ho ikobela ditsela tse kgonehang tse behilweng bakeng sa ho sireletsa boitekanelo ba batho le ho boloka maphelo.

Bakeng sa nako e fetang selemo, re sebeditse mmoho re le setjhaba ho ngotla sewa sena. Jwaloka ha re sebeletsa ho se hlola, re lokela ho tiisetisa boikemisetso ba rona ba ho sebetsa ka boikarabelo le ka hloko.

Ka ho etsa jwalo, re tla be re fana ka kgahlamelo e tshwarehang ho melaetsa ya lefatshe ya tshepo, topollo, tokoloho le bonngwe e tla bueha dikerekeng, masinagokgeng, dimoskeng tsa naha ya bo rona matsatsing le dibekeng tse tlang. **U**

Moralo wa dikgoho ke tiholo bakeng sa borapolasi ba naha

INDASTERI YA AFRIKA BORWA ya dikgoho le mahe e sebetsa hantle ka lebaka la Moralo o Matla wa Dikgoho.

Ha Beverly Mhlabane a ne a nka leeto ho ya lebenkeleng ho ya reka mahe, o ne a sa tsebe hore nakong eo a kgutlang ho tla ba le mohopolo o ropohang bakeng sa kgwebo ya hae e atlehileng.

“Ka letsatsi le leng ke ile ka leba lebenkeleng ho ya reka mahe mme ka thola a bitsa haholo, kahoo ke ile ka etsa qeto ya ho reka dikgoho tsa mahe tse 10 hore re tle re be le mahe ka lapeng,” o rialo.

Kgoho e behela lehe dihora ka ding tse 26, e leng se neng se bolela hore Mhlabane o tla fumana palohare ya mahe a robodi kapa a robong ka letsatsi.

Kamora dikgwedi tse pedi, o ile a qala ho rekisetsa baahisani mahe. Sena se ile sa lebisana moo a ileng a fetolela karatjhe ya habo ho ba ntlo ya tswadiso ya dikgoho.

Ka nako eo o ne a boetse a na le tshingwana ya meroho ka jareteng.

Mhlabane, moenjinerere wa mehleng, esale a na le merero ya ho tlohela lepatlelo la kgwebo ho iqalla kgwebo ya hae ya matlo. Ka selemo sa 2014, nakwana kamora ho iphumanela dikgoho tsa hae, o ile a ithekela mobu wa dihektare tse pedi Benoni, Gauteng, ka maikemisetsa a ho aha difoete.

Leha ho le jwalo, ha a ka a tswella ka morero wa hae hobane mobu oo o ne o reretswe mabaka a temo. O ile a etsa qeto ya ho atolosa kgwebo ya hae e nyane ya polasi.

Tsela e telele

Leha ho le jwalo, kgaello ya infrastraktjha e kang ho kampela, ditanka tsa metsi le motlakase ho ile ha mo nkela nako mme ha etsa hore a qale ho sebedisa mobu oo ka selemo sa 2016.



Beverly Mhlabane ke monga polasi ya Zapa Farm ya motlotlo.



Motho enwa ya dilemo di 49 o hopola kamoo a sebedisitseng mokgwa wa ho batlana le lesedi wa Google bakeng sa ho etsa dipu-putso ka tsa bohwai.

Ho totoba ha hae ho ile ha mo tswella molemo mme kajeno, ke monga Polasi ya Zapa Farm ya motlotlo, e leng polasi e atlehileng ya kgwebo ya temo.

O ile a hatela pele ho tloha tabeng ya ho sebedisa dihektare tsa hae tse pedi tsa

mobu ho ya tabeng ya ho eketsa tlhahiso ya mahe le ho jala sepinitjhe, sepaile, pepere e tala le tamati, tseo a neng a di rekisa tulong ya lehae, ho ya moo qetellong a ileng a hokela ditonele tse pedi tsa meroho, ho lema bohoho ba heketare le halofo ba naha ena le ho aha mekato ya dirobe tse 5 000 le tse 2 000.

Polasi ena e fepela dire-stjhurente tse nne tsa Wimpy, Pick n Pay, hotele ya Holiday Inn le di-spaza tsa lehae, hara

tse ding.

“Leha ho le jwalo, re na le kgaello kaha tlhoko ya rona e feta bokgoni ba rona mme, ka lebaka leo, re fumana mahe ho bahlahisi ba bang ba lehae. Re na le tlaleho ya tekolo kgahlamelo ya tikoloho e tjhaelletseng monwana bakeng sa mekato e 120 000 mme ha ho le jwalo re hloka tjelete bakeng sa katoloso,” o rialo.

Moralo o Matla wa Dikgoho

Mhlabane o ile a fumana thuso hore e be sehwei se atlehileng. Ke e mong wa dihwai tse ngata tse ntseng di thuthua tse kgotseng molemo wa Moralo o Matla wa Dikgoho, o ileng wa hlahiswa ke mmuso le bankakarolo ba diindasteri, ho kenyeletswa bahlahisi ba dikgoho, dihwai, batswellisi, barekisi ba diyantle, barekisi ba ditswantle le mekgatlo ya basebetsi.

“Morero noa o saennweng ka selemo sa 2019, o reretswe ho hlahisa mesebetsi indastering ena ka ditsela tse ngata tse tla tsebahatswa dilemong tse mmalwa tse tlang.

Ke ka lebaka la moralo ona

hore Mokgatlo wa Afrika Borwa wa Dihwai tsa Dikgoho (SAPA) o lefelletseng laesense ya tshebediso ya metsi ya Mhlabane le ho mo fumantsa thupello ka tlhahiso ya mahe.

Tshehetso bakeng sa dihwai

Molaodi Kakaretso wa SAPA Izaak Breitenbach o re indasteri ena e tsetetse dimilione mabapi le ho tshehetsa dihwai tsa batho ba batsho le ho hodisa tlhahiso ya dikgoho ka 5%. Ka feela dikgwedi tse 12, dihwai tsa konteraka tse 13 di ile tsa thehwa mme ha hlahiswa mesebetsi e 960.

“Indasteri ena e tsetetse R870 milione ho bopa mebaraka bakeng sa dihwai tsa batho ba batsho tsa konteraka tse 50 le ho thusa ka diyantle bakeng sa ho hlahisa mesebetsi naheng. Indasteri ena e boetse e entse le ho lefella dithuto tsa kgwebo bakeng sa dihwai tse 19 tsa batho ba batsho ba lenaneong la Lefapha la Temothuo, Tlhabollo ya Mobu le Ntshetsopele ya Dibaka tsa Mahae,” o rialo.

Dihwai tse 40 tsa batho ba batsho tse ikemetseng le tsona di ntse di fuwa keletso le thupello e amanang le tsamaiso ya dikgwebo tsa dikgoho.

“Indasteri ena e boetse e na le dathabeisi ya dihwai tse 670 tsa dikgwebo tse nyane, tse mahareng le tse kgolo (di-SMME) tseo re di thusang ka tlhahisoleseding e amehang,” o rialo.

Hodima moo, SAPA e na le buka e teng bakeng sa ho ruta dihwai ka tlhahiso ya dikgoho le ho hlahisa meralo ya tsona ya kgwebo.

Bahlahisi ba dikgoho ba itlametse R1.5 bilione ya matsete a matjha dibakeng tsa bona tsa tlhahiso nakong ya dilemo tse nne tse tlang, e leng se lokelang ho hlahisa mesebetsi e 4 000.

Indasteri ena e boetse e tlatsetela R1.7 bilione bakeng sa ho thehwa ha dikonteraka tsa dihwai tsa kgwebo tse 50.

Matsete ana a tla tshehetswa ke indasteri ena le makala a fapafapaneng a mmuso. **Mohlodi: SAnews.gov.za**

Ha o batla ho tseba haholwanyane, iteanye le SAPA ho **011 795 9920**.